

13-DARS. YANGI YIL ARCHASI

Dars maqsadlari:

- bezash uchun tabiiy materiallardan foydalanish haqidagi tasavvurni kengaytirish;
- plastilin bilan ishlash ko'nikmalarini mustahkamlash;
- nozik qo'l harakatlarini rivojlantirish;
- plastilindan yasash va tabiiy materiallardan foydalanib buyumlar tayyorlash ko'nikmalarini rivojlantirish.

Kerakli materiallar: darslik, plastilin, plastilin bilan ishlash uchun taxta va steka, tabiiy material (qarag'ay g'uddasi), paxta, namuna buyum.

1. Tashkiliy qism (2-3 daqiqa).

O'qituvchi o'quvchilarga salom beradi. Davomat va darsga tayyorgarlikni tekshiradi.

2. Dars mavzusini e'lon qilish. Dars mavzusiga kirish (2-3 daqiqa).

O'qituvchi quyidagi savollarni beradi:

Eng sevimli bayramingiz qaysi?

Yangi yil bayramlarini nima uchun yaxshi ko'rasiz?

Sovg'a berishni yoqtirasizmi?

O'qituvchi darsning maqsadi o'z qo'li bilan yangi yil sovg'asi - qarag'ay g'uddasi va plastilindan archa yasash ekanligini aytadi.

3. Namuna tahlili (5 daqiqa).

Darsning bu qismi standart tuzilishga ko'ra o'tkaziladi.

Darslikda o'quvchilarga yordam sifatida video ko'rsatma berilgan bo'lib, ular shu asosida ish rejasini tuzishlari va amaliy qismni bajarishlari mumkin.

O'qituvchi plastilin bilan ishlashning asosiy usullarini esga olishni taklif qiladi:

Katta plastilin bo'lagidan kichik bo'lakni qanday ajratish mumkin?

Plastilinga qanday qilib kerakli shakl beriladi?

4. Amaliy qism (25 daqiqa).

Avvalo o'quvchilarga turli rangdagi plastilindan kichik sharlar yasash taklif etiladi. So'ngra tayyorlangan plastilin sharlarni darslikda ko'rsatilganidek g'uddaga birlashtirish kerak. Oxirida tayyorlangan yangi yil archasini paxtadan yasalgan qor bilan bezash mumkin.

Ish mustaqil bajariladi. Zarur bo'lsa, o'qituvchi yordam beradi.

5. Yakunlash va mulohaza (5 daqiqa).

O'quvchilar quyidagi savollarga javob beradilar:

Yangi yil archangizni nima bilan bezadingiz? (Plastilindan yasalgan o'yinchoqlar va qor bilan).

Archalaringizdagi qor nimadan yasalgan? (Paxtadan).

Paxta nimadan tayyorlanishini bilasizmi? (Paxta o'simligidan).

Kutilayotgan natijalar:

- o'quvchilar bezash uchun tabiiy materiallardan foydalanish haqidagi tasavvurlarini kengaytiradilar;
- o'quvchilarda tasavvuri va ijodkorliklari rivojlanadi;
- o'quvchilarda jamoada ishlash ko'nikmalari rivojlanadi;
- o'quvchilarda yakuniy natijaga erishish uchun harakatlarning to'g'ri ketma-ketligini bajarish ko'nikmasi rivojlanadi.

14-DARS. BULUTCHA

Dars maqsadlari:

- o'quvchilarning tabiiy hodisalar haqidagi tasavvurlarini kengaytirish;
- o'quvchilarda inson foydalanadigan materiallar haqidagi tasavvurlarni kengaytirish;
- xayol, mantiqiy va fazoviy tafakkurni rivojlantirish;
- turli xil materiallardan applikatsiyalar yaratishni o'rgatish;
- nozik motorikani rivojlantirish.

Kerakli materiallar: darslik, rangli qog'oz, karton, qaychi, oq rangli iplar, paxta, oq qog'ozdan tayyorlangan bulutcha shaklidagi andoza, namuna.

1. Tashkiliy qism (2-3 daqiqa).

O'qituvchi o'quvchilar bilan salomlashadi. Davomat va darsga tayyorgarlikni tekshiradi.

2. Dars mavzusini e'lon qilish. Dars mavzusiga kirish (2-3 daqiqa).

O'qituvchi savollar beradi:

O'tgan darsda qanday yangi material bilan ishladingiz? (Paxta).

Paxtadan nimalar yasadingiz? (Archa ustidagi qor).

Sizningcha, paxta nima uchun qorga o'xshaydi? (Oq, yumshoq, momiq).

O'qituvchi darsning maqsadi paxtadan "bulutcha" applikatsiyasi yasash ekanligini aytadi.